



---

## FORU DEKRETUA

Ogasun, Finantza eta Aurrekontu Saila  
Zerga Araudiaren Zerbitzua  
Esp. zk.: 146/2017

**Balio erantsiaren gaineko zergaren araudia aldatzea, zeina apirilaren 27ko 124/1993 Foru Dekretuaren bidez onetsi baitzen, eta, orobat, maiatzaren 28ko 18/2013 Foru Dekretua aldatzea, zeinaren bidez onetsi baitzen fakturazio betebeharrak arautzen dituen araudia.**

Abenduaren 5eko 56/2017 Foru Dekretuaren bidez, zeinak hainbat zerga araudi aldatu baitzituen balio erantsiaren gaineko zergan informazioa berehalako emateko prozedura sartzeko, beharrezkoak ziren aldaketak egin zituen araudietan, BEZaren erregistro liburuak Arabako Foru Aldundiaren egoitza elektronikoen bidez eroateko sistema berria sartzeko, 2018ko urtarrilaren 1etik aurrera izan behar zutelarik eragina.

Lurralde arruntean 1075/2017 Errege Dekretua onetsi zen, abenduaren 29koa, zeinaren bidez aldatu baitziren, beste araudi batzuen artean, balio erantsiaren gaineko zergaren araudia eta fakturazioaren araudia.

Foru Dekretu honen bidez aldatu egin da balio erantsiaren gaineko zergaren araudia, apirilaren 27ko 124/1993 Foru Dekretuaren bidez onetsia.

Foru Dekretu honek aukera ematen du Foru Aldundiak baimena eman dezan, alde aurretik eskaera egiten bada eta kasu batzuetan baino ez, erregistro idazpenak egiteko galdegiten diren baldintzak aldatzeko, betiere osoki bermatu ahal bada balio erantsiaren gaineko zergari dagozkion betebeharrak egiaztatzen direla.

Horrez gain, funtsezko doiketa tekniko batzuk egiten dira epeetan, honako hauek direla-eta: kutxa irizpidea zein eragiketetan den aplikatzekoa, zuzentzeko fakturak, erregistroko zuzenketak eta zergaren pean ez dauden eragiketa fakturak baina jaulkitzeko betebeharra eduki behar zuketanak.

Erregistro liburuak elektronikoko eroateko borondatezko aukera eginez gero, bere horretan jarraituko du hiruhilean behingo likidazioaldiak.

Beste alde batetik, aldatu egiten da fakturazio betebeharrak arautzen dituen araudia, maiatzaren 28ko 18/2013 Foru Dekretuaren bidez onetsia, hartara Ogasun Zuzendaritzak fakturak zuzentzeko prozedurak baimentzeko duen eskumena zabalagotuz. Horrez gain, doiketa tekniko bat egiten da zuzenketa fakturak igortzeko epeari dagokionez.



Gainera, eguneratu egiten da bidaia agentziek beste enpresari edo profesional batzuen izenean eta haien kontura parte hartzen duteneko zenbait zerbitzu prestazioren fakturazio araubidea, zerbitzu berriak sartzearen, fakturazio prozedura berezi hau berau aplikatuko zaienak.

Zerga Araudiaren Zerbitzuak eta Aholku Batzordeak honi buruz egindako txostenak aztertu dira.

Horregatik, Ogasun, Finantza eta Aurrekontu Saileko foru diputatuak proposatuta, eta Foru Gobernuaren Kontseiluak gaur bertan egindako bilkuran gaia aztertu ondoren, honako hau

## **XEDATZEN DUT**

### **Lehenengoa. Aldatzea balio erantsiaren gaineko zergaren araudia, apirilaren 27ko 124/1993 Foru Dekretuaren bidez onetsia.**

Honako aldaketa hauek sartu dira balio erantsiaren gaineko zergaren araudian:

Bat. Aldatu egin da 9. artikuluko 1. paragrafoko 2. zenbakiko B) hizkiko a) hizkia, eta honela geratzen da idatzita:

“a) Salbuespena fakturan dokumentatutako ondasun entregean kasuan baino ez da aplikatuko”

Bi. Aldatu egiten da 61 sexies artikulua, eta honela geratzen da idatzita:

“61. artikulua sexies. Kontrol prozedurak

1. Entitate nagusia eta entitate taldea egiaztatzea prozedura bakar batean egingo da, eta prozedura horretan sartuko da prozeduraren xede diren taldearen eta entitate nagusiaren zerga betebeharrak egiaztatzea.

2. Entitate multzo bat egiaztatzearen ondorioz egiaztatzen den mendeko entitate bakoitzean prozedura bakar bat garatuko da. Prozedura horretan sartuko da balio erantsiaren gaineko zergako bakarkako tributazio araubidearen ondoriozko zerga betebeharrak egiaztatzea eta prozeduraren xede diren gainerako zerga betebeharrak egiaztatzea, eta taldeari entitate taldearen araubidearen arabera dagokion tributazioari buruzko elkarlan jardunak ere sartzen dira hor.

3. 6/2005 Foru Arauaren 67.1a) artikuluan ezarritakoaren arabera (6/2005 Foru Araua, otsailaren 28koa, Arabako Zergen Orokorra), entitate taldearen balio erantsiaren gaineko zergaren preskripzioa eten egingo da:

a) Taldeko entitate nagusiarekin balio erantsiaren gaineko zerga dela-eta egindako edozein egiaztapen jardunengatik.

b) Mendeko entitateetako edozeinekin balio erantsiaren gaineko zerga dela-eta egindako edozein egiaztapen jardunengatik, betiere entitate nagusiak jardun horiek formalki ezagutzen baditu.

4. Taldeko edozein entitate dela-eta gauzatzen diren jardunetan zerga prozedurak direla-eta gertatzen diren preskripzio epearen eteteak justifikatuak badira eta atzeratzeak ezin bazaizkio egotzi zerga



administrazioari, entitate nagusiaren eta entitate taldearen inguruan gauzatutako prozeduraren iraupen epeari eragingo diote, betiere entitate nagusi horrek horren berri formala badu. Inguruabar horiek gertatu arren, taldea osatzen duten gainerako entitateekiko jardunek aurrera jarraituko dute.

5. Mendeko entitate bakoitzaren inguruan gauzatutako prozeduraren dokumentazioa xehatu egingo da, izapidetzeari begira; hona nola:

a) Balio erantsiaren gaineko zergari buruzko espediente bat, 41/2006 Foru Dekretuaren 14.4 h) artikulua aipatzen duen laburpen eginbidea jasotzen duena (41/2006 Foru Dekretua, ekainaren 6koa, onesten duena Arabako lurralde historikoko zergak ikuskatzeari buruzko araudia). Espediente hori entitate nagusia eta entitate taldea egiaztatzekeo jardunak gauzatzen ari den organoari igorriko zaio.

b) Beste espediente bat prozeduraren xede diren gainerako zerga betebeharreri buruzkoa.

6. Taldeko entitate nagusiaren inguruan gauzatutako prozeduraren dokumentazioa xehatu egingo da, izapidetzeari begira; hona nola:

a) Espediente bat entitate taldearen balio erantsiaren gaineko zergari buruzkoa, aurreko atalean aipatzen diren laburpen eginbideak jasotzen dituena.

b) Beste espediente bat prozeduraren xede diren gainerako zerga betebeharreri buruzkoa.

Hiru. Aldatu egiten da 62. artikuluko 5. zenbakia, eta honela geratzen da idatzita:

“5. Arabako Foru Aldundiak baimena eman dezake, egoki deritzen egiaztapenak egin ondoren, honetarako:

a) Artikulu honen 1. zenbakian aipatzen diren erregistro liburuak ordezteko beste erregistro sistema batzuekin, bai eta erregistroko idazpenetarako eskatzen diren baldintzak aldatzeko ere, betiere enpresarien edo profesionalen edo subjektu pasiboen administrazio eta kontabilitate antolaketari badagozkio, eta, aldi berean, erabat bermatzen bada ezen egiaztatu egingo direla haiek balio erantsiaren gaineko zerga dela-eta dauzkaten zerga betebeharrak.

b) Faktura jaulki eta jasoen erregistro liburuetan ez daitezen jasota ageri araudi honetako 63. artikuluko 3. zenbakian eta 64. artikuluko 4. zenbakian egiten diren aipamen guztiak edo informazio guztia, eta, orobat, idazpen laburpenak 63. artikuluko 4. zenbakian eta 64. artikuluko 5. zenbakian aipatzen direnez besteko baldintza batzuekin egin daitezen, baldin eta irizten bazaio dena delako jarduera sektore horretako merkataritza edo administrazio jardun moldeen ondorioz edo fakturak, kontabilitate frogagiriak eta aduanetako dokumentuak jaulkitzeko baldintza teknikoaren ondorioz zailagoa dela aipamen eta informazio horiek idatziz jartzea.

Baimen horiek edozein unetan ezezta daitezke”.

Lau. Aldatu egiten dira 63. artikuluko 3. eta 4. zenbakiak, eta honela geratzen dira idatzita:

3. Egindako fakturen erregistro liburuan banan-banan inskribatuko dira egin diren fakturak. Oroba, hauek idatziko dira: fakturaren zenbakia eta, hala badagokio, seriea, noiz jaulki den (data), eragiketarako egin direneko datak (lehengo data horretaz bestekoa bada), hartzailearen izena eta abizenak, sozietatearen izena edo izen osoa eta identifikazio fiskaleko zenbakia, eragiketen zerga oinarria



(zergaren arauaren 78. eta 79. artikuluen arabera determinatua), eta, hala badagokio, aplikatutako zerga tasa eta, aukeran, “BEZ barne” esapidea, zerga kuota, eta, orobat, ea eragiketa kutxa irizpidearen araubide bereziarekin bat etorritz egin den; hala bada, araudi honetako 61 decies artikuluko 1. zenbakian egindako aipamenak jaso beharko dira.

Araudi honen 62.6 artikulua aipatutako entitate eta pertsonen kasuan, honako informazio hau ere jaso beharko da:

a) Jaulkitako faktura mota, faktura osoa edo erraztua den zehatzuz.

Ogasun, Finantza eta Aurrekontu Saileko foru diputatuaren aginduz onetsitako erregistro elektronikoko eremuek zenbait faktura zehatz identifikatzeko balio duten beste zehaztasun batzuk jasotzeko eskatu ahalko dute, hala nola hirugarrenek jaulkitako fakturak, edo enpresa edo lanbide jardueran erabiltzen diren erreziho eta gainerako agiriak zeintzuk diren zehaztea, alegia, 18/2013 Foru Dekretuaren 16.1 artikuluan eta lehenbiziko xedapen gehigarrian aipatzen direnak (18/2013 Foru Dekretua, fakturazio betebeharrak arautzen dituen araudia onesten duena).

b) Adieraztea ea araudi honen 70. artikuluan aipatzen den erregistro zuzenketa bat den.

c) Eragiketen deskribapena.

d) Zuzenketa fakturen kasuan, hala identifikatu beharko dira, eta zuzendutako fakturaren erreferentzia jasoko dute edo, hala badagokio, zuzentzen diren xehetasunak.

e) Lehenago jaulkitako faktura erraztuen ordeztu edo trukean ematen diren fakturen kasuan, ordeztu edo trukatu den fakturaren erreferentzia jasoko da, edo, hala badagokio, ordeztu edo trukatu diren zehaztasunak.

f) Araudi honen 51 quater artikuluan eta 61 quinquies artikuluko 2. zenbakian eta fakturazio betebeharrak arautzen dituen araudiaren 6. artikuluko 1. idatz zatiko j), l) eta p) letretan (18/20 Foru Dekretuaren bidez onetsi zen araudi hori) aipatzen diren aipamenak.

g) Jaulkitako fakturretan erregistratutako eragiketen likidazio aldia.

h) Hala badagokio, eragiketa balio erantsiaren gaineko zergaren pean ez dagoelako adierazpena.

i) Faktura jaulki bada 18/2013 Foru Dekretuan aurreikusitako fakturazio arloko baimenetako bat dela bide (18/2013 Foru Dekretua, fakturazio betebeharrak arautzen dituen), orduan emandako baimenaren erreferentzia jasoko da.

j) Erabilitako ondasunen, arte objektuen, antigoaleko objektuen eta bilduma objektuen araubide berezia aplikatzeko den eragiketetan, eragiketaren guztirako zenbatekoa jasoko da.

j) Bidaia agentzien araubide berezia aplikatzeko den eragiketetan, eragiketaren guztirako zenbatekoa jasoko da.

Ogasun, Finantza eta Aurrekontu Saileko foru diputatuak foru agindu bidez xedatu ahalko du ezen, aurreko datuekin batera, zerga aldetik garrantzia daukaten gainerako guztiak ere adierazi beharko direla, hain zuzen ere Diputatuen Kontseiluaren martxoaren 3ko 21/2009 Foru Dekretuaren 3.



artikulutik 5. artikulura bitartean (biak barne) aipatzen direnak (21/2009 Foru Dekretua, martxoaren 3koa, hirugarren pertsonetikiko eragiketei buruzko informazioa emateko betebeharra arautzen duena).

4. Aurreko zenbakian adierazitako fakturak banan-banan idazteko betebeharraren ordez laburpen idazpenak egin ahal izango dira. Horietan, honako hauek idatziko dira: faktura noiz jaulki den (data edo aldia), zerga oinarria, zerga tasa bakoitzari dagokion guztirakoa, zerga tasak, data berean jaulki eta hurrenez hurren zenbakitutako fakturen kuota guztira eta fakturen hasierako eta bukaerako zenbakiak, eta ea kutxa irizpidearen araubide bereziarekin bat etorrita egin den eragiketa; kasu horretan, arautegi honetako 61 decies artikuluko 1. zenbakian adierazitakoak idatzi beharko dira. Hori guztia baldin eta aldi berean baldintza hauek betetzen badira:

a) Jaulkitako fakturetan ez izatea aginduzkoa hartzailea identifikatzea, 18/2013 Foru Dekretuak xedatutakoarekin bat etorritik (18/2013 Foru Dekretua, maiatzaren 28koa, fakturazio betebeharrak arautzen dituena).

b) Eragiketa dokumentatuen sortzapena hil berean gertatu izana.

Baliozkoa izango da, era berean, faktura baten idatzoharra segidako hainbat idazpenetan egitea, zerga tasa ezberdinen arabera tributatzen duten eragiketak jasotzen baditu hark.”

Bost. Aldatu egiten da 64. artikulua 4. zenbakia, eta honela geratzen da idatzita:

“4. Jasotako fakturen erregistro liburuan banan-banan idatziko dira jasotako fakturak eta, behar izanez gero, aduanetako agiriak eta arestian aipatutakoak. Horiez gain, honako hauek ere idatziko dira: jasotze zenbakia, jaulkitze data, eragiketak noiz egin diren, eta, jaulkitze dataz bestekoa bada eta hala ageri bada jasota agiri horretan, jaulkitzeko obligazioa duenaren izen-deiturak, sozietate izena edo izen osoa eta identifikazio fiskaleko zenbakia, zerga oinarria (zergaren arauaren 78. eta 79. artikuluetan xedatutakoaren arabera determinatua) eta, hala balegokio, zerga tasa, zerga kuota, eta ea eragiketa kutxa irizpidearen araubide bereziaren pekoa den edo ez, eta, hala bada, araudi honetako 61. decies artikulua 2. zenbakian aipatzen diren aipamenak ere bai.

Artikulu honen 2. zenbakiko bigarren paragrafoan adierazitako fakturei dagokienez, haietan dokumentatu diren entregen ondorioz gertatzen diren Europar Batasunaren barneko eskuraketei dagozkien zerga kuotak birkalkulatu egin beharko dira eta faktura horiei dagokien idatzoharrean idatzi.

Era berean, fakturei edo artikulu honen 2. zenbakiaren hirugarren paragrafoan aipatzen diren kontabilitate frogagiriei dagokienez, faktura edo kontabilitate frogagiri horien idatzoharra egitean kalkulatuta eta idatziko dira berorietan jasotako ondasun emate edo zerbitzu eskaintzei dagozkien zerga kuotak.

Araudi honen 62.6 artikulua aipatutako entitate eta pertsonen kasuan, honako informazio hau ere jaso beharko da:

a) Zenbakia eta, hala badagokio, seriea, fakturan ageri direnak; hain zuzen, araudi honen 62.6 artikuluan aipatzen ez direnek erabiltzen duten jasotze zenbakiaren ordez erabiltzen da seriea.

b) Adieraztea ea araudi honen 70. artikuluan aipatzen den erregistro zuzenketa bat den.



c) Eragiketen deskribapena.

d) Araudi honen 61 quinquies artikuluko 2. zenbakian egiten diren aipamenak, eta 18/2013 Foru Dekretuko 6. artikuluko 1. zenbakiko l) eta p) letra artekoetan egiten direnak (18/2013 Foru Dekretua, fakturazio betebeharrak arautzen dituenak), eta ea Europar Batasunaren barneko eskuratze bat den.

e) Idatzoharra egiten den likidazio aldiari dagokion zerga kuota kengarria. Kengarriaren erregularizazioa, hala badagokio, Zergaren Arauaren 105.Lau, 109, 110, 111 eta 112 artikuluetan xedatutakoarekin bat etorriz egingo da, dagokion gisan; horrek ez du eragingo erregistratutako kuota kengarria aldatu beharra.

f) Jasotako fakturretan erregistratutako eragiketen likidazio aldia.

g) Erabilitako ondasunen, arte objektuen, antigoaleko objektuen eta bilduma objektuen araubide berezia aplikatzekoa den eragiketetan, eragiketaren guztirako zenbatekoa jasoko da.

h) Eragiketei bidaia agentzien araubide berezia aplikatu behar zaienean, eragiketaren guztirako zenbatekoa jaso beharko da.

Inportazio eragiketen kasuan, eragiketaren kontabilizazio data jaso beharko da, bai eta aduana agiriari dagokion zenbakia ere.

Ogasun, Finantza eta Aurrekontu Saileko foru diputatuak, foru agindu bidez, xedatu ahal izango du ezen aurrekoarekin batera beste informazio batzuk ere jaso daitezela, zergetarako axolazkoak direnak, martxoaren 3ko 21/2009 Foru Dekretuaren 3. artikulutik 5.era artekoetan aipatzen direnak (21/2009 Foru Dekretua, martxoaren 3koa, hirugarren pertsonetik eragiketen informazioa emateko betebeharra arautzen duena).

Sei. Aldatu egiten da 69 bis artikulua, eta honela geratzen da idatzita:

“Araudi honen 62.6 artikuluan aipatzen diren pertsonen eta entitateen kasuan, fakturazio erregistroak honako epe hauetan egin beharko dira:

a) Jaulkitako fakturei buruzko informazioa lau eguneko epean eman beharko da, faktura jaulkitzen denetik hasita, salbu eta hartzaileak edo hirugarren batek zergaren arauko 164.bi artikuluan xedatutakoaren arabera jaulkitako fakturen kasuan, zeren eta, orduan, epe hori zortzi eguneko izango baita. Kasu batean nahiz bestean, erregistratu beharreko eragiketari dagokion zerga sortuko litzatekeen hila amaitu eta hurrengoan 16.a baino lehen eman beharko da informazio hori. Hala ere, faktura jaulki beharra ekarriko lukeen zergaren pean ez dauden eragiketak izanez gero, azken epe hori eragiketa egin den data hartutzat erreferentziatzat determinatuko da.

b) Jasotako fakturei dagokien informazioa, lau eguneko epean, fakturaren kontabilitate erregistroa egiten denetik hasita, eta, beti ere, dagozkion eragiketak sartu direneko likidazio epea amaitu eta hurrengo hilaren 16. baino lehenago.

Inportazio eragiketen kasuan, lau egun horiek kontatu beharko dira aduanek likidatutako kuota jasotzen deneko agiriaren kontabilitate erregistroa sortzen denetik, eta, betiere, inportazioak sartu direneko aitortpenari dagokion epea amaitu eta hurrengo hilaren 16.a baino lehenago.



c) Erregelamendu honen 66.1 artikuluan aipatzen diren eragiketen informazioa, lau eguneko epean, bidaia edo garraioa hasten denetik hasita, edo, hala balegokio, dagozkion ondasunak jasotzen direnetik hasita.

d) Jaulkitako eta jasotako zuzenketa fakturei dagokien informazioa, lau eguneko epean, dagokion faktura jaulkitzen edo erregistratzen denetik hasita, hurrenez hurren.

Hala ere, zuzenketa baldin badakar zergaren arauaren 114. artikulua bigarren zenbakiaren 1. puntuan xedatutakoaren arabera hasiera batean kenkari gisa aplikatutako zenbatekoak handitzea, epea izango da jasotako fakturetarako aurreko b) letran ezarritakoa.

Aurreko a), b), c) eta d) letretan aipatzen diren lau edo zortzi eguneko epeak kontatzeko, kanpoan utziko dira egun baliogabeak.

2. Kutxa irizpidearen araubide berezia aplikatzeko zaien eragiketei dagokien informazioa ematea, berriz, aurreko zenbakian ezarritako epeetan gauzatu beharko da, eragiketa horiei araubide berezi hori aplikatzea ez balegokie bezala, hargatik eragotzi gabe eragiketen ordainketa oso edo partezkoek egitean eman beharreko datuak.

Kobrantei eta ordainketei dagokien informazioa, berriz, dagokion kobrantza edo ordainketa egiten denetik hasi eta lau eguneko epean eman beharko da.

3. Araudi honen 70. artikuluan aipatzen diren erregistro zuzenketa kasuan, zuzenketa horiek jasotzen dituzten fakturazio erregistroak eman beharko dira zergapekoak berak egin duen akatsaren berri izan dueneko aldia amaitu eta hurrengo hilaren 16.a baino lehenago.

Zazpi. Aldatu egiten da 70. artikulua 1. zenbakia, eta honela geratzen da idatzita:

“1. Enpresariak edo profesionalak akats materialen bat egiten dutenean aurreko artikuluan aipatzen diren erregistro idazpenak egitean, haietaz jabetu bezain laster zuzendu beharko dituzte. Zuzenketa hori egiteko, idatzohar bat edo idatzohar multzo bat egin beharko da, hartara determinatu ahal izateko likidazio aldi bakoitzerako zer zerga sortu eta jasalarazi den, behin zuzenketa hori egirik.

Aurreko hori araudi honen 62.6 artikuluan aipatzen diren pertsona eta entitateei aplikatuko zaie, araudi honen 69. bis artikulua 3. atalean ezarritakoaren arabera.”

Zortzigarrena. Kendu egiten da 71. artikulua 3. zenbakiaren 5. puntua.

Bederatzigarrena. Aldatu egiten da 75. artikulua 1. zenbakia, eta honela geratzen da idatzita:

“1. Zerga honi dagozkion zerga kuota aduanek ondasunen inportazio eragiketetan likidatuak biltzea eta ordaintzea, bestalde, zergabilketako araudi orokorrean xedatutakoari jarraituz egingo da.

Aurreko hori gorabehera, inportatzailea enpresari edo profesional bat denean eta hala diharduenean, eta haren likidazio epea bat datorrenean hil naturalarekin, Erregelamendu honen 71.3 artikuluan xedatutakoaren arabera, aukeran izango du likidazio hori jasotzen duen agiria jasotzen dueneko epeari dagokion aitortpen-likidazioan aduanek likidatutako kuota sartzea, eta, kasu horretan, inportazio eragiketetan likidatutako kuoten ordainketa egiteko epea bat etorriko da araudi honen 72. artikuluan ezarritakoarekin. Osoki Estatuaren Administrazioan tributatzen ez duten subjektu pasiboen kasuan,



aduanek likidatutako kuota osorik sartuko da Estatuaren Administrazioari aurkeztutako aitorten-likidazioan. Foru administrazio batean ez beste inon tributatzen duten subjektu pasiboen kasuan, osorik sartuko da Ogasun eta Funtzio Publikoaren Ministerioak ezarritako leku, modu eta epeetan Estatuaren Administrazioari aurkezten dioten aitorten-likidazio batean.

Aukera hori baliatzeko, errolda aitorten bat aurkeztu beharko zaio Estatuko Zerga Administrazioaren Agentziari, eragina izaten hasi behar duen urtea hasi aurreko azaroan, eta adituko da handik aurrerako urteetan urtero-urtero luzatzen dela, uko egiten ez zaion artean edo kanpoan geratzen ez den artean.

Aukera hori subjektu pasiboak egiten dituen inportazio guztietarako izango da, aldian aldiko aitorten-likidazioetan sartu beharrekoak badira.

Uko egiteko, Estatuaren Zerga Administrazioaren Agentziaren organo jakinarazi beharko zaio, dagokion errolda aitortena aurkeztuz, eragina izaten hasi behar duen urtea hasi aurreko azaroan. Uko egiteak hiru urterako izango ditu ondorioak, gutxienez.

Zenbaki honetan aipatzen den aukera baliatu duten subjektu pasiboak aplikaziotik kanpo geratuko dira haien likidazio aldia ez datorrenean bat hilabetearaekin.

Kanpo geratze hori eragiten hasiko da hilabeteroko aitorten-likidazioak aurkezteko betebeharra amaitzen den egunean.”

**Bigarrena.** Fakturazio betebeharrak arautzen dituen araudia aldatzea, maiatzaren 28ko 18/2013 Foru Dekretuaren bidez onetsitakoa, zeinaren bidez onetsi baitzen fakturazio betebeharrak arautzen dituen araudia.

Honako aldaketa hauek sartzen dira fakturazio betebeharrak arautzen dituen araudian:

Bat. Idazketa berria ematen zaio 15. artikuluan 4. paragrafoari, eta honela geratzen da idatzita:

“4. Zuzenketa egingo da faktura berri bat jaulkiz, eta, han, zuzendutako fakturaren identifikazio datuak jasota. Zuzenketa agiri bakar batean hainbat faktura zuzendu daitezke, baina horretarako ezinbestekoa da zuzendutako faktura guztiak identifikatzea. Hala ere, eragiketa bolumenagatik emandako deskontu edo hobarien ondorioz aldatzen bada zerga oinarria, ez da beharrezkoa izango fakturak identifikatzea, eta nahikoa izango da zein eperi dagozkion adieraztea; halaber Ogasun Zuzendaritzak horretarako baimena ematen duen kasu guztietan.

Ogasun Zuzendaritzak baimena eman ahal izango du fakturak zuzentzeko beste prozedura batzuetarako, baldin eta interesdunek alde aurretik eskaera egiten badute, betiere justifikatzen bada dena delako jarduera sektorearen merkataritza edo administrazio jardun moldeengatik”

Bi. Idazketa berria ematen zaio 18. artikuluari; hona nola geratzen den idatzita:

“18. artikulua. Fakturak igortzeko epea

Fakturak igortzeko betebeharra, 17. artikuluan ezarritakoa, haiek jaulkitzen diren unean bertan bete behar da, edo, hartzailea empresari edo profesional bat bada, hala jarduten dena, eragiketa horri dagokion zerga sortu den hila amaitu eta hurrengoaren 16.a baino lehen, edo, kutxa irizpidearen





araubide bereziaren peko eragiketen kasuan edo zuzenketa fakturen kasuan, eragiketa gauzatu edo dagokion faktura jaulki eta hurrengo hilaren 16.a baino lehen, hurrenez hurren.

Hiru. Aldatu egin dira hirugarren xedapen gehigarriko 1, 2, 3, 6 eta 7 zenbakiak. Hona nola geratzen diren idatzita:

"1. Xedapen gehigarrian ezarritakoaren arabera jaulkiko dira honako baldintza hauek betetzen dituzten zerbitzu prestazioak dokumentatzen dituzten fakturak:

a) Zerbitzu prestazio horiek kontratatzeko, sektoreko araudiaren arabera bidaia agentziak diren empresari edo profesionalak parte hartu izana bitartekari gisa inoren izenean eta kontura."

b) Hartzaileak, izaera hau edo bestea izan, bidaia agentziari eska diezaiola zerbitzu horien faktura jaulki izana.

c) Honako zerbitzu hauetakoren bat izan dadila:

a´) Bidaiarien eta haien bagajeen garraioa;

b´) Ostalaritza, akanpalekuak eta bainuetxeak;

c´) Jatetxeak eta cateringa;

d´) Garraiabideen epe motzerako errentamendua;

e´) Museoak, arte galeriak, pinakotekak, monumentuak, leku historikoak, lorategi botanikoak, parke zoologikoak eta natura parkeak eta beste naturagune babestu antzeko batzuk;

f´) Kultura, arte, kirol, zientzia, hezkuntza, jolas, feria eta erakusketa ekitaldietara sarbidea ematea;

g´) Bidaia agentziak.

2. Faktura horiek datu hauek eduki behar dituzte eta betekizun hauek bete behar dituzte, ezertan galarazi gabe beste edozein aipamen sartzeko aukera:

a) Berariaz ohartarazi behar dute bidaia agentziak xedapen gehigarri honetan ezarritakoaren babesean jaulkitako faktura bat dela.

b) Araudi honetako 6. artikuluan (edo, hala balegokio, 7. artikuluan) aipatzen diren datuak eta betekizunak. Hala ere, 6. artikuluen 1c), d) eta e) letretan eta 7. artikuluen 1.d) zenbakian aipatzen diren fakturak jaulkitzeko betebeharra duenaren datu gisa, hauek utzi behar dira jasota: bidaia agentziari buruzkoak, eta ez bitartekaritza horren bidez ematen den zerbitzua ematen duen enpresari edo profesionalarenak.

c) Horrez gain, jaulkitako fakturetan aipamen garbia egin behar zaio haietan dokumentatzen diren zerbitzuetako bakoitzari, eta, orobat aipatu beahr dira eragiketen hartzaileari buruz 6. artikuluen 1c), d) eta e) letretan aipatzen direnak. Halaber, faktura horiek gainerakoetatik bereizitako seriean egin behar dira.



3. Inoren izenean eta kontura ematen diren bitartekaritza zerbitzuak, bidaia agentziak hartzaileari ematen dizkion zerbitzuei buruzkoak, agentziak berak ere dokumentatu ahal ditu xedapen gehigarri honetan aipatzen diren fakturen bidez. Halakoetan, dagokion fakturan bereizita eman beharko dira bitartekaritza zerbitzu horri dagozkion datuak, araudi honetan aurrikusitakoaren arabera fakturan agertu behar dutenak.

“6. Honelako fakturak jaulkitzen dituzten bidaia agentziek, bestalde, jaulkitako fakturen erregistro liburuan idatzi beharko dituzte, balio erantsiaren gaineko zergaren erregelamenduaren 63. artikuluan aurrikusten den erregistro liburuan, alegia. Idazpen horiek modu egokian egin behar dira, hain zuzen ere, bereiziz xedapen gehigarri honetako 1. zenbakian aipatzen diren eragiketen zenbatekoak 3. zenbakian aipatzen diren zerbitzuen zenbatekoetatik eta beste agiri edo faktura batzuetan jasotako eragiketen zenbatekoetatik.”

“7. Honelako fakturak egiten dituzten bidai agentziek informazio hau adierazi behar dute hirugarrenekin egindako eragiketen urteko aitorpenean:

- a) Salmenta gisa, fakturen bidez dokumentatutako zerbitzuei buruzko informazioa, behar bezala bereizita.
- b) Erosketa gisa, inoren izenean eta kontura bitartekari gisa parte hartzen duten zerbitzu prestazioei dagokien informazioa, xedapen honetan aipatzen dena, behar bezala bereizita”.

## **AZKEN XEDAPENA**

Foru Dekretu hau ALHAOn argitaratu eta hurrengo egunean sartuko da indarrean, eta 2018ko urtarrilaren 1etik aurrera hasiko da eragina izaten.

Gasteiz.

**Ramiro González Vicente**  
Diputatu nagusia

**José Luis Cimiano Ruiz**  
Ogasun, Finantza eta Aurrekontu  
Saileko foru diputatua

**Teresa Viguri Martínez**  
Ogasun zuzendaria

